



KHUTBA JUMMAH

HADHRAT MUHYI-UD-DIN AL-KHALIFATULLAH

Munir Ahmad Azim

16 Decembre 2016
(15 Rabi'ul Awwal 1438 AH)

Après ki li fine salué tous so bane disciples (et tous bane musulmans) dans le monde entier avec la salutation de paix dans l'Islam, Hazrat Muhyi-ud-Din Al-Khalifatullah (atba) fine lire Tashahhud, Ta'uz, et Surah Al Fatiha, et li fine ensuite axé so Khutba Jummah lor « Le Concept de la Révélation Divine (2^{ème} Partie) » :

Par la grâce d'Allah (swt) mo contigné mo Khutba ki mo ti commencé vendredi dernier kot mo ti commence explique lor trois catégories de bane dimounes ki recevoir révélation. Mo ti mentionne le premier type de bane dimounes, bane ki pas ena aucaine mérite et ki péna aucaine connection avec Allah (twa). Aujourd'hui, *Insha-Allah* mo pou contigné mo bane explications lor le même sujet.

De ce fait, le deuxième type de bane dimounes zot bane ki ena ene relation avec Allah (twa), mais sa relation là li pas parfait. Le Messie Promis (as) fourni ene analogie ki sa bane dimounes là zot bane rêves et révélations ressemblé à l'expérience d'ene dimoune ki, pendant ene la nuit somme et kot fer bien frais, li alle trouve de loin la lueur d'ene difé et capave de sa façon là évite pou marche le long d'ene sentier ki rempli avec bane fossés et bane piquants et bane roches; ene tel chemin kot ena bane serpents et bane zanimo sauvaaze en grand nombre. Mais la lueur de sa difé là pas capave protéze li contre frésaire et la mort. Si li pas capave arrive à cercle chaud de sa difé là, alor sa dimoune là li détruire couma celui ki marche dans l'obscurité.

Poursuivant sa analogie là, le troisième type de bane dimounes li celui ki so bane expérience de bane rêves et bane révélations ressembler à celui d'ene dimoune ki, dans ene la nuit somme et kot fer bien frais, trouve non seulement la lueur brillant de sa difé là et marche dans so la lumière, mais ki rentre aussi dans so

cercle chaud et li vine entièrement protégé contre frésaire. Sa stage là, le Messie Promis (as) mentionné, li atteint par bane ki brûle zot bane passions dans le feu de l'Amour d'Allah et zot adopté ene la vie d'amertume (et de difficultés) pour l'amour d'Allah. Zot percevoir la mort – c'est-à-dire la mort de zot passions – devant zot et galoupe vers li et choisir li pour zot-même. Sa la mort là capave également réfère à la mort naturelle de l'homme, mais ki le récipiendaire de la révélation accepter et accueillir parski li conné et comprend pleinement ki c'est sa chemin là ki pou amène li sans aucaine doute au désir ultime de so lé cœur, c'est-à-dire, Allah (twa). De ce fait, la mort pas vine ene obstacle ou ene moment effrayant mais plutôt ene camarade ki li serrer bien fort avec li pour ki li capave trouve le visage d'Allah avec ene lé cœur rempli de l'espérance afin ki li capave gagne la miséricorde divine et l'amour d'Allah.

Sa type de bane dimounes là, d'après le Messie Promis (as), accepté sak tourment dans la cause d'Allah et pour l'amour d'Allah zot vine bane ennemis de zot ego et tout en s'attaquant contre zot ego, zot démontré ene tel pouvoir dans zot la foi ki même bane anges zot surpris de la force de zot la foi. Zot bane champions spirituels et tous bane attaques de Satan alle dans vide kan li (Satan) rode alle oppose li à sa bane dimounes là zot pouvoir spirituel. Sa troisième type de révélation là appelle, révélation parfait. Li déssane lor bane dimounes parfait et ressemblé au rayon du soleil ki tomber lor ene miroir propre. Alor sa rayon là li grossi dix fois plisse encore et so la lumière vine insupportable pour lizié (c'est-à-dire, sa la lumière de la révélation là li tellement puissant ki lizié pas capave guette li).

Kan révélation déssane de la même manière lor ene l'âme purifié, surtout celui d'ene Messenger d'Allah, sa lumière extraordinaire là briyé et le reflet de bane attributs d'Allah exposé dans sa l'âme là et le visage d'Allah li pleinement révélé. So lizié intérieur percevoir la lueur d'Allah, so lé cœur (*Sirr*) prend ene plaisir et ene goût énorme dans l'amour d'Allah, dans So grâce, dans So miséricorde, dans So bonté, dans So la lumière et dans So proximité. Tout paraite en parfaite harmonie avec so être, ou plutôt mo bizin dire ki so être efface li complètement pour révèle la présence d'Allah, ene telle présence ki majestueux et tout puissant.

Le Saint Prophète Muhammad (saws) fine dire: « *Celui ki fine trouve moi, fine trouve Allah.* » Ici, le Saint Prophète (saws) pas fine identifié li à Allah (twa), mais li pé expliqué ki par la révélation divine, bane rêves, bane inspirations et bane visions, la lumière d'Allah capave refléter parfaitement à travers ene dimoune. Là encore, li bien nécessaire pou réaliser ki révélation li pas limité seulement à bane Prophètes/ Messagers d'Allah (twa). Li bien connu ki mama de Moïse

(Hazrat Moussa (as)) et mama de Jésus (Hazrat Isa (as)) pas ti bane prophètes et pourtant Allah ti favorise zot par la Révélation. Alor astaire, eski nous capave penser ki si ene musulman ti arriver ena ene l'âme aussi pure ki celui de Hazrat Ibrahim (as) et li ti si obéissant à Allah (twa) ki li rejette complètement so ego, et li si dévoué à l'amour d'Allah ki li perdi li en li-même, alor eski nous capave imaginer ki ene telle dimoune pareil pas pou capave vine ene récipiendaire de la révélation couma mama Moïse? Eski ene dimoune raisonnable capave attribuer ene telle avarice à Allah? Logiquement, et au très profond de nous-même, la réponse li bel et bien « **NON** » !

Même si révélation pas limité à bane prophètes, tous dimoune pas capave recevoir bane révélations divines. Ene récipiendaire de révélation bizin nécessairement ena ene certain capacité et abilité. Dans so livre Braheen-i-Ahmadiyya (Vol. III), Hazrat Massih Maoud (as) fine dire: « *C'est vrai ki sak dimoune, pourvu ki li pas fou, capave progresser dans so la raison, so droiture et so l'amour pour Allah, mais bizin garde à l'esprit ki personne pas pou capave alle au-delà de la limite de so capacité.* » Li donc évident ki bane êtres humains individuels possède ene diversité d'intelligence et de qualités morales et de la lumière du cœur; Et donc seulement bane ki parfait dans sa trois domaines là capave recevoir révélation divine.

Maintenant, après avoir établi la nécessité de la révélation et bane types de bane dimoune ki capave recevoir révélation, nous arrive maintenant à ene question bien important: « ***Ki bane caractéristiques et bane formes de vraie révélation et couma ene récipiendaire recevoir la Révélation?*** »

Dans so livre Zaruratul Imam (p.13-19), le Messie Promis (as) énumère ene série de dix « caractéristiques » de vraie révélation. Brièvement, zot comme suite:

(1) Vraie révélation recevoir à ene moment kot lé cœur de sa récipiendaire li fonne par so douleur pour la vérité, et kot alor li glisser vers Allah (twa) couma de l'eau claire.

(2) Vraie révélation li accompagné par le plaisir (spirituel) et li transmette la certitude d'ene manière inconnue et pénétrer dans lé cœur couma ene clou en fer. So bane paroles zot éloquent et zot exempté de bane erreurs (c'est-à-dire, pas ena erreurs dans so bane paroles).

(3) Vraie révélation possède ene certain majesté et frappe lé cœur avec puissance et dessane lor li d'ene la voix impressionnant.

(4) Vraie révélation li chargé de la puissance d'Allah (twa) et contenir bane prophécies ki réaliser.

(5) Vraie révélation li attestée par tous bane puissances intérieures de so récipiendaire et li répanne ene nouvo la lumière ki pure lor tous so bane facultés et kot alor sa récipiendaire là li percevoir ene changement dans li-même. So vie passé arrive à ene fin et ene nouvo la vie commencer pour li, et li vine ene source de sympathie pour l'humanité.

(6) Vraie révélation favorise la bonté de so récipiendaire et purifié bane impuretés intérieures et améliore so condition morale.

(7) Vraie révélation pas termine avec ene seule phrase parski la voix d'Allah ena ene continuation... Ene récipiendaire de vraie révélation recevoir ene réponse à so bane supplications à ene l'endroit et à ene moment même si parfois ene intervalle produire entre deux séries ou révélation.

(8) Ene récipiendaire de vraie révélation zamais ene lâche et li pas peur pou lever contre bane fausse prétendants de révélation.

(9) Vraie révélation c'est le moyen pou acquérir la connaissance et la compréhension parski Allah pas content pou laisse ene récipiendaire de la révélation sans connaissance et dans l'ignorance.

(10) Vraie révélation li accompagné de beaucoup de bane les autres bénédictions. Ene récipiendaire de vraie révélation recevoir l'honneur de l'invisible et li recevoir prestige.

Mis à part sa bane caractéristiques de la vraie révélation là, le Messie Promis (as) affirmé ki la révélation en général li présenté sous bane formes différent. Li décrire sa bane formes là et l'état du récipiendaire au moment de la révélation dans so fameux livre, Braheen-i-Ahmadiyya (p. 230-280).

Sa description là, pareil couma le Messie Promis (as) déclaré pas capave traduire dans anglais (ou français ou créole ou les z'autres langues) dans ene façon pli élokan, mais selman ou pou capave gagne ene l'idée de so signification profond (kan traduire sa bane écrits là) – ceci dit, mo pas comprend kifaire Jamaat Ahmadiyya pas fine traduire bane livres clés de Hazrat Massih Maoud (as), en particulier bane ki en arabe (par exemple, Haqiqatul Wahy) et mette sa en anglais,

de sorte ki au moins tous bane Ahmadi dans le monde ainsi ki bane chercheurs de vérité capave saizi l'essence réelle de so bane l'enseignements ki li fine transmette dans sa bane livres là. Plisse ki 125 ans fine passé et par la grâce d'Allah, ena beaucoup de bane Ahmadi ki ena la capacité pou traduire sa bane livres là, zot ti capave faire sa travail là et en plus de sa, ena assez fond ki disponibles pour publier sa bane livres là, mais ziska l'heure pas ena aucaine signe de sa bane travail traduction là en plusieurs langues.

Par la grâce d'Allah, Allah (swt) fine élève le Jamaat Ul Sahih Al Islam et nous fine commence la traduction de certains bane livres de Hazrat Massih Maoud (as), y compris Haqiqatul Wahy ki actuellement pé faire par nous Amir dans Kerala en anglais et malayalam. *Insha-Allah*, ki Allah inspire li la meilleure traduction pour sa travail là et béni li dans sa travail ki li fine entreprendre là et ki Allah béni li aussi dans so vrai dévouement ki li démontré envers Allah et So Khalifatullah. *Ameen*. Ki Allah béni le reste de mo bane disciples ki pé faire également ene travail formidable dans la traduction bane livres du Messie Promis ainsi ki bane livres, documents et les z'autres écrits de la Manifestation Divine de sa siècle là. Bien ki nous l'état financier li actuellement pauvre, mais nous ena tout confiance dans Allah (swt) ki c'est seulement avec So l'aide puissant ki nous pou réussi dans sa travail noble là. *Insha-Allah*.

Mo termine le deuxième partie de mo Khutba Jummah ici, et *Insha-Allah*, ki Allah donne moi le *Tawfeeq* pour continuer sa Khutba là, lor le même sujet, vendredi prochain. Ki Allah béni zot et montré zot la porte vers la compréhension de bane vraies révélations ki Li accorde à sa humble serviteur là pareil couma Li fine accorde à bane ki ti vini avant moi et ki Li pou donner à bane ki pou vini après moi jusqu'au Jour du Jugement jusqu'à l'Heure Finale kot tout pou vine l'Islam et pou vine pour Allah, que ce soit volontairement ou de force, c'est-à-dire kan tout la vérité pou vine claire devant zot tous et ki la honte ki bane dimounes pou senti à cause de zot bane mauvais actions ki zot ti faire pou cause zot ene plus grand souffrance parski zot pas fine ena la sagesse et zot pas fine assez intelligents pour reconnaîte la lumière de la révélation et de la véracité ki ti accordé au Messenger d'Allah de zot l'époque. *Ameen*.